



kat. komp.
39272

Mag. St. Dr.

P

*et nonnulla geometroph. Adalb. Falstas
duarum propositionum demonstrata.*

Fest. 3053

F

R.

N

Typis

F A L S I T A S
DUARUM PROPOSITIONUM
DEMONSTRATA

Per

R. CHRISTOPHORUM ADALBERTUM
NOWINSKI, Ecclesiæ Collegiatæ B. M. V.
Canonicum Posnaniensem in Bożęcinek
Parochum.

A N N O

Quô veritas de terra orta est

1756.

Cum permissu Superiorum.

CRACOVIAE,
Typis in Palatio Episcopali, Factore Dominicô Rosenmüller.

DE MONSTRATA
DIARUM PROPOSITIONUM
F. A. E. S. I. T. A. S.

CHRISTOPHORUM ADALBERTUM
NOWINSKI, Theologiae Collegae B. M. V.
Canonici Polonici in Bolesław

39272
Ihr

GRACOVIA
Typis in Palatio Episcopali, Pachtore Dominico Rotemiller

DEO VERO,

Verique

DEI FILIO VERO,

Et Veritatis

SPIRITUI.

Uni Veræ & Individuæ

TRINITATI.

LAUS HONOR,

Et

GLORIA.

Ab

Indignissima Creatura

A. O.

A M E N.

PIOLECTORI.

S. P.

ANsam ad duarum sequentium Propositionum falsitatem demonstrandam dedit mihi quidam conventus incircumspectorum, ubi nonnulli, alioqui non postremæ considerationis viri coram variis utriusque status personis diversos miscentes discursus, duas, quas illic refutavi, acerrimè propugnaverunt sententias. Contrarias, ac si Omnipotentiae, & misericordiae Divinae derogativas, ac Fidei Catholicae dissonas, adeoque hæreticas criminari sui erroris tenaces non erubuerunt. Quare justis motus rationibus, utpote veritatis orthodoxæ assertor fidelis, parum censui, eos verbò convincere, sed insuper luce publica mentis eorum tenebras discutiendas, & velamen oculorum auferendum operæ pretium duxi. Neque seculares, ac rudiores Theologorum malè sentientium ratiocinationibus persvasi, ex communi natura humana ad mala propensi, spe finiendæ, aut relaxandæ gehennæ æternæ in sensum reprobum abeant, & cæcutientes duces cæcos ad barathrum usque sequantur. Præstante eo, qui est via, veritas, & vita.

Amice Lector vale, & meliora sape.

PRIMA PROPOSITIO.

DEUS potest de Inferno liberare, & immediatè ad Cælum deducere animas damnatorum, uti fecit cum anima Trajani ad preces D. Gregorii. Immo potest, si vellet destruere Infernum, & omnes animas salvare, quia est absolutus Dominus, & nemo potest ejus opera reprehendere, aliàs non esset Omnipotens, & misericors, cum tamen misericordia ejus super omnia opera ejus.

Contra est imò. Hæc propositio est Origenis docentis finem pænarum infernalium, ab Ecclesia damnata. Hieron. Ep. 65. ad Pammachium. Adeoque hæretica.

Contra est 2dò. DEUS juxta sua divina decreta pro peccatis mortalibus statuit pænas infinitas, interminabiles, æternas. Math. 25. Discedite à me maledicti in ignem æternum, &c. Marci 9. Isaia 66. Vermis eorum non moritur, & ignis non extinguit. 2. Tessal. 1. Qui pænas dabunt in interitu æternas. Devt. 32. Ignis succensus à furore meo, & ardebit usq; ad inferni novissima. Eccl. 21. Quis habitabit ex vobis cum ardoribus sempiternis? Psal. 112. Desiderium peccatorum peribit. Psal. 47. Sicut oves in inferno positi mors deposcet eos. Hæc mors est æterna. Di-

citur autem inferni status mors æterna : *Discre-*
tivè, ut differat à morte temporaria, quapropter
errarunt, qui olim docuerunt inferos in hac vi-
ta explicari, quos refutat S. Aug. l. 12. de Gent.
ad lit. c. 33. secundò, *Spiritualiter*, quia destituti
vita spirituali gratiæ, tum gloriæ, adeoque nun-
quam terminanda. Apoc. 9. *quærent mortem & non*
invenient eam Cùm ex inferno nulla sit redem-
ptio, Psal. 48. Sap. 3. Daniel. 12. quam epulo non
impetravit. De hac morte, sive pænis æternis dis-
ferit S. Greg. l. 4. Dialog.. *Anima illic posita benè*
esse perdidit, & esse non perdidit. Ex qua semper co-
gitur, & ut mortem sinè morte, & defectum sinè de-
fectu, & finem sinè fine patiatur, quatenus ei & mors
immortalis sit, & defectus indeficiens, & finis infinitus.
S. Bernardus l. meditat. c. 3. *Procul à beata Para-*
disi Patria exulati cruciabuntur in gehenna perpetua,
nunquam lucem visuri, nunquam refrigerium adepturi,
sed per millia millium annorum in inferno cruciandi,
nec inde unquam liberandi, ubi nec qui torquet, aliquan-
do moritur. Positis igitur his & plurimis aliis
in S. Scriptura decretis divinis, DEUS per ab-
solutam suam potentiam non potest ex suppo-
sitione consequente, & pro præsentì providentia
de

de pænis inferni ampliùs liberare, & salvare damnatos, quia plurimæ involverentur imperfectiones in DEum, quæ derogarent, & tollerent summam ejus perfectionem, infinitam bonitatem & justitiam ejus, quod est ipse DEus. Sequeretur namq; quòd DEus posset esse fallax, injustus, & mutabilis, fallax in suis promissis, injustus & mutabilis in suis decretis, vel maximè, cùm sit absolutus Dominus, & non est, qui reprehendat opera ejus. Quod de DEO vel cogitare summa foret, & damnabilis impietas! Nam DEUS est verax, fidelis, justus, & immutabilis in suis decretis. *Cælum & terra transibunt, verba autem mea non præteribunt.* Matth. 24. Marc. 13. Lucæ 21. Itèm Faciliùs est cælum & terram præterire, quàm unum apicem de Lege cadere. Itèm Num. 23. Non est DEus quasi homo, ut mentiatur, aut ut filius hominis, ut mutetur. Itèm Malach. 3. Ego Dominus & non mutor. Paraph. Chald. sic habet: quoniam ego Dominus, & non mutavi pactum meum. In quem locum Isid. sic habet: *Sicut enim promissio mea irrita esse non potest, ita nec minarum obliviscar.* Itèm Psal. 32. *Consilium Domini in æternum manet. Apud quem non est transmutatio, nec vicissitudinis obumbratio*

tio Jac. 1. Psal. 118. Vates enarrat justitiam Divi-
nam: *Iustus es Domine & rectum iudicium tuum*, id
est: & consequenter rectum, ac iustum iudicium,
decretum, mandatum tuum. Nam in hoc Psalmo
per *iudicium* ferè semper ipsa lex intelligitur, quan-
quam & illud verum est: iudicium DEI, quò distri-
buit pœnas, & prœmia semper esse iustum, juxta
Bellarm: in loc. cit. id est vindicando mala, & prœ-
miando bona. At sicut DEUS est infinitus, offensa
quoq; omnino est infinita, si culpa infinita, pœ-
na quoq; necessariò debet esse infinita. *Tunc in-
finitum patens inferni barathrum devorat, quos in-
anis elatio nunc exaltat* S. Gregorius l. 9. moral.
Neque tamen sequitur (ut vult opposita seña)
quòd DEus propter tam rigorosam suam justiti-
am, & damnationem impiorum interminabilem,
immutabilem, irrevocabilem, æternam, desinat
esse Omnipotens, & misericors. Nam ipse qui-
dem DEus de se dicit: *Ego sum Dominus Omnipotens.*
Gen. 17. Et rursus cùm Jacob filios ad Joseph
mitteret, ità illis precatus est: *DEus autem meus*
omnipotens faciat eum vobis placabilem. Gen. 43. Dein-
de verò in Apoc. c. 1. scriptum est: *Dominus DEus,*
qui est, & qui erat, & qui venturus est omnipotens. Et
alibi

Divi-
um, id
cium,
salmo
quan-
distri-
juxta
præ-
fensa
pæ-
uc in-
s in-
oral.
ña)
stiri-
em,
sinat
qui-
tens.
eph
neus
ein-
Eus,
Et
oi

alibi: *DEus magnus Omnipotens* appellatur. Huc
pertinet, quod dicitur Luc. 1. *Non erit impossibile*
omne verbum. Num. 11. *Nunquid manus Domini in-*
valida est ? & Sap. 12. *Subest tibi, cum volueris, posse,*
& alia ejusdem generis. Ex quibus variis dicen-
di formis id percipitur, quod unô Omnipoten-
tis verbô comprehendi perspicuum est. Intelli-
gimus autem hoc nomine, nihil esse, nihil animô
& cogitatione fingi posse, quod DEus efficere ne-
queat. Etenim non solùm hæc, quæ tametsi ma-
xima sunt, aliquô tamen modô in cogitationem
nostram cadunt, efficiendi potestatem habet, ni-
mirum, ut omnia in nihilum recidant, atque, ut
plures mundi ex nihilo repente existant, verum
etiam multò majora in illius Potestate sita sunt,
quæ humanæ menti & intelligentiæ suspicari non
licet. Neque verò, licet omnia DEus possit, men-
tiri tamen aut fallere, aut falli, aut peccare, aut
interire, aut ignorare aliquid potest. Hæc enim
in eam naturam cadunt, cujus imperfecta actio
est: DEus verò cujus perfectissima semper est a-
ctio, ideo hoc non posse dicitur, quia posse ea
infirmittatis est, non summæ & infinitæ omnium
potestatis, quam ille habet. Ità igitur DEum o-
b mni-

mnipotentem esse credimus, ut ab eo tamen longè omnia abesse cogitemus, quæ perfectæ ejus essentia maximè conjuncta, & convenientia non sunt v. Cath. Rom. part. 1. de 1. Symb. art. c. 2. Bellarm. scribens in illa Psalm. 61. ver. ult. verba -- *Quia potestas Dei est, & tibi Domine misericordia, quia tu reddes unicuique juxta opera sua.* Pulchrè exponit convenientiam potentiarum, sive attributorum Divinorum, ubi nec Omnipotentia excludit misericordiam, nec misericordia justitiam. Ità ut neque DEUS oppressurus sit aliquos per potentiam, neque misericordia præjudicatura sit justitiæ. Appositè scribit S. Greg. l. 9. moral. *Quisquis ad toleranda inferni mala descendit, nequaquam ad lucem ulterius redibit; quia nequaquam ultrà misericordia parcentis liberat, quos semel in locis pœnalibus justitia judicantis damnat.* Et S. Aug. serm. 28. ad Fratres in Erem. *In inferno nulla est redemptio, quoniam ibi gemitus sunt & suspiria, & non est, qui misereatur, ibi est dolor & planctus, & clamor, & non est, qui exaudiat.* Ergo &c.

Contra est 3tiò. Si vera esset propositio adversa, fieret incerta impiorum damnatio, & sanè S. Aug. l. 21. de Civit. DEI c. 24. nimia præsumptio-

ptio
petu
æter
nibu
univ
toru
quo
mus
mus
priv
ficut
lo,
tè n
adve
non
cibû
tus
tran
ptur
finè
aliàs
rit &
derit
le pl

ptionis esse dicit, asserere, eos non mansuros perpetuò in igne, quibus veritas dicit : *Ite in ignem æternum.* Matt. 25. Dicit autem hoc Veritas omnibus, quos damnat, tam in particulari, quàm in universali judicio. Præterea nullus esset damnatorum, qui non posset sperare salutem, & pro quo non possemus orare, nunc autem non oramus pro damnatis, quia secundum fidem credimus eos non posse salvari; at si possint saltem ex privilegio salvari, certè pro illis orandum esset, sicut in hoc mundo oramus pro obstinatis in malo, ut Deus illis det gratiam efficacem, quæ certè non datur, nisi ex privilegio. Sequitur ergò adversam propositionem contra fidem esse. Quæ non potest comprobari exemplò Trajani, qui precibus & meritis S. Greg. contenditur esse liberatus de pænis inferni, & immediatè ad cælum transiisse, quia hæc Historia pugnat contra Scripturam. Tum quia Trajanus tanquam paganus sinè fide & baptismo, nullatenus potuit salvari, aliàs falleret illud Salvatoris effatum. *Qui crediderit & baptizatus fuerit, salvus erit, qui verò non crediderit, condemnabitur.* Marc. 16. Et : *sinè fide impossibile placere Deo.* Hæb. 11. Quadratur hinc seq. historia :

quidam olim petens Tiberium, ut carcere exiret,
hoc responsum accepit, nondum mecum in gra-
tiam rediisti. Idem suô modô dictum esto Tra-
jano perpetuo carceri incluso. At quomodò re-
dire potuit in gratiam sinè charitate, sed quomo-
dò potuit habere charitatem (quæ est virtus Theo-
logica, & maximâ) in inferno, ubi DEus ama-
tur nunquam, & odiô habetur semper? Allega-
tam historiam Joannis Damasceni in orat. de mort.
de Trajano confectam refutat Card. Bellarm. in
suis disput. tom. 2. controvers. 3. l. 2. c. 8. Si hæc
historia defendi debeat, oporteret dicere Trajanum non
fuisse absolutè damnatum ad inferos, sed solùm punitum
in inferno secundùm præsentia ejus demerita & suspen-
sam sententiam propter prævisas B. Greg. preces, &
præterea non immediatè ex inferno ad cælum transisse,
sed priùs corpori unitum, & tunc baptizatum, & pæ-
nitentiam in hac vita egisse. Ità est communis solutio
B. Thomæ, Durandi, Richardi, & aliorum in 4. dist.
45. Quia tamen Trajanum resurrexisse sinè teste dicitur,
nec enim ullus veterum hujus rei meminit, & repugnat
hoc sententiæ Damasceni, qui satis apertè docet de infer-
no ad cælum transisse, non autem ad hanc vitam re-
diisse Trajanum, & si pænitentiam egit, in inferno illam
egis-

egisse. Cùm tamen solius Damasceni autoritate nitantur
Authores citati, ideo magis propendeo in sententiam Mel-
chioris Cani, qui l. 11. de locis c. 2. simpliciter improbat
hanc hist. uti consistat, & Dominici à Soto. qui in 4. dist. 45.
q. 2. art. 2. dicit hanc historiam sibi creditu durissimam
esse, non obstante Apologia Alphonsi Ciaconis pro hac
historia edita. Rationes autem, quibus moveor sunt 4.

Prima, qua quotquot hanc hist. admiserunt, id fe-
cerunt propter Damasceni auctoritatem, at librum il-
lum non esse Damasceni, facile probari potest. Nam in
illo libro Author non solum dicit Trajanum, & orationibus
S. Teclæ Falconillam ab inferno damnatorum ad Regnum
Cælorum transisse, sed etiam multos alios, qui in in-
fernum descenderant, quia Fide Divina caruerunt à
Christo conversos, & salvatos, quando ad inferos de-
scendit, quod per se erroneum est, & contrarium verbis
Damasceni l. 2. de fide c. 4. ubi dicit: hominibus id esse
mortem, quod Angelis casus.

Secunda ratio: Quia nullus Author Latinus historiæ
ejus meminit, ut Paulus Diaconus, Anastasius Biblio-
thecarius, Marianus Scotus, Ado, ac nè ipse quidem
Beda, qui B. Gregorii studiosissimus fuit, immò in ipsa
Romana Ecclesia, & ejus Archivis nulla hujus rei me-
moriam exstabat, quando Joannes Diaconus vitam B.

Gregorii scripsit, ipse enim vitam B. Greg. ex archivis Romanis diligentissimè collegit, & tamen l. 2. c. 44. banc historiam de Trajano dicit repertam in Ecclesia quadam Anglorum, nec fidem illi certam habitam à Romanis.

Tertia ratio: Quia B. Greg. l. 34. moral. c. 13. al. 16. disertè docet non posse orare pro infidelibus defunctis, quemadmodum nec pro diabolo, quandoquidem in eadem irrevocabili & æterna damnatione sunt, quomodo ergo credibile est, eum id fecisse. Rñdet Abul. q. 57. in l. 4. Reg. ideo Greg. peccasse mortaliter orando pro Trajano. Sed absurdissimum est, & ferè blasphemum, cum constet Greg. Virum fuisse nonmodò Sanctissimum, verum etiam Prudentissimum. Deinde si peccavit mortaliter, quomodo fuit exauditus, num Deus placatur, quando offenditur? Rñdet Ciaconus non peccasse Gregorium, sed potius meruisse, quia licet ordinariè non liceat orare pro damnatis, tamen licet ex peculiari instinctu Divino. At contra est. Eadem hist. refert Greg. propter hoc peccatum punitum fuisse perpetuo dolore stomachi & pedum. Rñdet ipse hunc dolorem non datū Greg. in pœnam, sed nè elatio ipsi subreperet. At contra est. Nam Petrus Diaconus, quem ipse citat ex libro quodā Bibliothecæ Vaticanæ, dicit Gregorio ab Angelo dictum fuisse,

vis
44.
esia
a à
13.
de-
lem
uo-
bul.
an-
las-
an-
bec-
deus
bec-
ina-
pe-
re-
etuo
non
con-
quo-
tum
2

fuisse, quòd quia præsumpserat hoc petere, laboret usq;
ad mortem dolore &c. Ergo in pœnam peccati, nam
præsumptio peccatum est.

Quarta ratio : quia argumenta non concludunt. Quia
ipse nititur præcipuè his testibus : Primò, testimoniò Pe-
tri & Joannis Diaconorum, Gregorii, quod exstare di-
cit in Bibliotheca Vaticana. 2dò Innominati Auctoris,
qui scripsit vitam B. Gregorii quæ præponitur operibus e-
jus impressis Basileæ A. 1566. qui Auctor videtur vi-
xisse tempore B. Gregorii 3tiò. Testimonio Damasceni.
4tò. Testimonio Joannis Diaconi l. 2. c. 44. vitæ S.
Gregorii 5tò. Testimonio B. Thomæ. 6tò. Testimo-
nio S. Brigittæ. 7mò. Testimonio S. Mechtildis.

Primum testimonium videtur valdè suspectum, nam
si illud esset verè Petri Diaconi, non diceret Joannes
Diaconus hanc hist. non exstare in Ecclesia Romana, sed
solùm apud Anglos. Deinde ipse Petrus dicit Greg. à
DEO petivisse, ut quotquot sepelirentur in Ecclesia S.
Andreæ in Clivo Scauri, non possent damnari, dummo-
dò fidem tenerent Christianam, & impetravisse. At
certè Greg. Vir prudentissimus nunquam ità orâssset,
nam vel intelligit de fide informi, vel de formata. Si
de informi, ergo voluisset homines morientes salvari si-
nè charitate, quod quis credat? Si de formata, non e-
rat

rat opus id petere, nam ubicunque sepeliatur, qui moritur cum charitate, damnari non potest. Adde: quod totum illud fragmentum redolet novitatem, & proinde suppositum videtur. Vocat enim Gregorium Divum, quod nomen eò tempore fuit inusitatum. Itèm anteponebat Cardinales Episcopis, quod repugnat Joanni Diacono, qui in vita S. Greg. scribit ex Cardinalibus consuevisse à Gregorio multos ad Episcopatum, ut gradum altiorem promoveri, alia quoque habet non pauca signa novitatis.

2dum Testimonium nihil novi adfert, Auctor enim ille sine nomine, non vixit tempore S. Greg. sed posteriore tempore, redegit enim in compendium vitam S. Greg. quam scripserat fusissimè Joannes Diaconus.

3tium Testimonium jam rejectum.

4tum est contra ipsum Ciaconum. Nam Joannes Diaconus dicit animam Trajani non esse liberatam de inferno, sed solùm id obtinuisse, ut in inferno existens non pateretur pœnam ignis. Ciaconus autem vult eam in cælo Beatorum.

5tum est etiam contra ipsum. Nam B. Thomas ubi ex professo hoc tractat, nimirum in 4. dist. 45. q. 2. probabilissimum putat animam Trajani liberatam solùm

à pæ-

a pœnis inferni, usque ad diem Judicii, deinceps cruciandum cum cæteris.

6tum. est valdè obscurum, nam S. Brigitta non dicit Trajanum esse salvum, sed solùm elevatum ad gradum altiorem, ubi indicat in inferno aliquid salutis recepisse.

7mum. est expressè contra ipsum. Nam Mechtildis dicit petivisse à Domino, quid egerit cum animabus Samsonis, Salomonis, Origenis & Trajani, & responsum esse: Deum velle omnibus incognitum, quid sua liberalitas cum illis egerit. Si ergo Deus vult esse incognitum, non est credendum Authoribus, qui asserunt Trajanum esse in cælo.

Adde: quòd DEUS in hac revelatione conjungit Trajanum cum Origene. At in Prato Spirituali, quod citatur à VII. Synodo, & à Joanne Diacono l. 2. c. 45. vitæ B. Gregorii narratur alia revelatio, quâ Origenes visus est in gehenna ignis cum Ario & Nestorio. Et V. Synodus c. II. dicit anathema Origeni, sicut Ario, Nestorio, & cæteris hæreticis. Hæc Bellarminus.

PROPOSITIO SECUNDA.

Datur locus, præter Regnum Cælorum, & infernum,
ubi

ubi detinentur animæ infantium sinè Baptismo decedentium.

Hanc sententiam propter authoritatem quorundam transeo. Aliam mihi tutiorem, & probabiliorem sequor, & : Respondeo cum *S. Aug. l. 1. de bapt. parvul. c. 28. Et l. 5. Hypognostici* : Fidem Catholicam non nosse, nisi duo loca, ubi homines sint futuri perpetuò, Cælum Beatorum, & infernum damnatorum. Ergo non datur locus distinctus præter Regnum Cælorum & infernum, ubi detinentur animæ Infantium sinè Baptismo decedentium. Quia si daretur, daretur vel in Limbo Patrum, sive sinu Abrahamæ, ut autumant adversarii; aut in Purgatorio, vel in aliquo alio loco imaginario. Non in primo : Nam ibi animæ ante Christi adventum exceptæ quieta habitatione fruebantur, beata salvationis spe sustentatæ, & ideo dicitur sinus, quia lactabantur spe. At animæ Infantium sinè Baptismo decedentium ejusmodi spe penitùs sunt destitutæ. Non in secundo : quia hic locus est viatorum, & dispositio ad æternam beatitudinem decedentium in gratia, quam excludit peccatum originale, & sinè qua nemo ad cœlestem Patriam pertingere potest : quia

quia nihil coinquinatum intrabit in eam. Non
in tertio : Quia eum adstruendi nullum assigna-
tur validum fundamentum. Etenim S. Aug. l. 2.
c. 12. de anima ad Petrum sic habet : *Novellos hæ-*
reticos Pelagianos justissimè Catholicorum Conciliorum,
& S. Sedis Apostolicæ damnavit autoritas, eò quòd au-
si fuerint, non baptizatis parvulis dari quietis locum,
etiam præter Regnum Cælorum. Et tract. 67. Re-
spondendi sunt à Corde Christiano, qui ideo putant dictum,
multas esse mansiones, quia præter Regnum Cælorum
erit, ubi maneant innocentes, qui sinè Baptismo ex hac
vita emigrârunt, quia sinè illo in Regnum Cælorum in-
troire non potuerunt : hæc fides non est fides, quia non
est vera & Catholica fides. Tum quia Authores cum
Bellarmino l. 6. c. 6. de Purgat. distingventes rece-
ptacula animarum post hanc vitam Limbum pu-
erorum ponunt in inferno, in loco quidem ele-
vatori, à loco ignis & tormentorum. Attamen
in inferno. Scimus enim parvulos etiam secundum ea,
quæ per corpus gesserunt recepturos vel bonum, vel ma-
lum. Gesserunt autem non per semetipsos, sed per eos,
quibus pro se respondentibus, & renuntiare diabolo di-
cuntur & credere in DEum, unde & in numero Fide-
lium computantur, pertinentes ad eam sententiam Do-
mini

mini dicentis: Qui crediderit, & baptizatus fuerit, sal-
vus erit. Propter quod ex illis, qui Sacramentum hoc
non accipiunt, contingit, quod sequitur: Qui autem non
crediderit, condemnabitur. Idem S. Aug. Ep. 107.

Nam illud unum peccatum, quò est obligata propago
carnalis, quæ ab illo primo homine originem ducit, suffi-
cere dicit Apostolus ad condemnationem. Quare secundum
D. Aug. de peccat. merit. & remis. l. 1. c. 12. Rectè dici po-
test, parvulos sinè baptismo de corpore exeuntes ad damnationem
omnem mitissimam futuros. Multum autem fallit, & fallitur, qui
eos in damnationem prædicat non futuros. Sic disertè definivit
Conc. Florent. Sess. ultim. Tam eos, qui moriuntur cum
peccato mortali, quàm eos, qui cum solo peccato origina-
li, mox in infernum descendere, pænâ tamen disparibûs
puniendo. Illos videlicet pro peccato mortali pænâ da-
mni & sensûs culpæ proportionatâ. Hos verò solâ pænâ
damni sinè quovis alio ignis, & tormentorum cruciatu.
Ità communi scholasticorum consensu recepta est ea senten-
tia, quæ tradit huiusmodi parvulos ab igne minimè cru-
ciari, sed eam tantum pænâ sustinere, quæ vocatur damni,
quâ sunt in perpetuum à Cœlesti Patria Beatorum Spiri-
tuum exclusi. Sic Magist. 2. d. 33. Altisiod. in sum. l. 2. tract.
27. c. 6. Alex. p. 2. q. 105. mem. 10. S. 1. Alber. in sum. p. 2.
tract. 18. q. 113. S. Thom. 2. d. 33 p. 3. q. 1. Ægid. 2. d. 33.
q. 2. a. 1. Ricar. 2. d. 33. a. 3. a. 1. Henric. quodl. 6. q. 21.
Scot. 2. d. 33. q. 1. Dur. Argent. Bassolis. Gab. major. 2. d. 33.
Marfil. 2. q. 19. a. 5. Bonav. 2. d. 33. q. 2. & alii apud Asor.
Instit. Mor. l. 4. c. 33. de pecc. orig. pænâ.

EX LIBRIS



EX LIBRIS

34 v. 90.

sal-
in hoc
non

pago
suffi-
adum
ci po-
tionem
ur, qui
inivit
cum
gina-
ribus
a da-
pena
ciatu.
nten-
cru-
amni,
Spiri-
tract.
p. 2.
d. 33.
q. 21.
d. 33.
for.

Biblioteka Jagiellońska
stdr0026334

